



## Universitätsbibliothek Paderborn

### **Meditationes De Præcipvis Fidei Nostræ Mysteriis**

Vitæ ac Passionis D.N. Iesv Christi; Et B.V. Mariæ; Sanctorumq[ue] et  
Euangeliorum occurrentium Cum Orationis Mentalis circa eadem praxi In  
sex partes tributæ

Qvæ Meditationes Complectitvr circa omnia Christi Domini Acta, ab eius  
Baptismo ad finem vsque Prædictionis, Doctrinam, Miracula, Parabolas

**Puente, Luis de la**

**Coloniae, 1612**

§. 4. De alijs vitæ actiuæ imperfectionibus: & qua ratione illas Christus  
emendat, vt perfecta euandat.

[urn:nbn:de:hbz:466:1-54633](https://nbn-resolving.org/urn:nbn:de:hbz:466:1-54633)

Etatur; iuuantque non mediocriter Ecclesiam ipsam, eiusque operarios, quando à DEO Domino nostro gratiam & fauorem obtinent, ad eorum labores & operum fructus. Ideoque ipse Dominus aduocatum se exhibet contemplantium, vt in hac historia videbimus, eum statim Mariam defendisse. Quare plurimum mea intererit in coelestis Patris manus me proijcere, qui gratias & dona sua *singulis diuidit prout vult*, & nobis expedit; & hac confidentiâ eam partem modumque viuendi amplectar, quem ipse mihi designauit, gratias etiam pro eo agens, quem alijs communicauit; & gaudens quòd illi magni sint; suaque illa magnitudine meam iuuent paruitatem: vt charitate hac, aliorum dona, mea propria faciam. O DEVS cordis mei, procul à me huiusmodi sint querelæ, satis mihi sit, quod tu facias, ne ego conquerar: siquidem nihil, quòd à te prodeat, potest mihi non esse percommo- dum.

c Cor. 12. 11

ALIAE VITAE ACTIVAE  
imperfectiones, quas Christus Do-  
minus corrigit, vt illa perfectior  
euadat §. 4.



RESPONDENS dixit illi a Dominus: *a Luc. 10. 41*  
*Martha Martha sollicita es, &*  
*turbaris erga plurima.* Hac respõ-  
sione Christus, iterato Marthæ  
nomine, ita amorem erga illam  
aperit,

aperit,

b Psal. 138.  
16.

D. Tho. 22.

q. 182. a. 4.  
ad 3.

Greg. 6. mo.  
ral. c. 1.

aperit, vt superfluam simul sollicitudinem, & turbationem, etiam erga res bonas, reprehendat: nobisque porrò defectus indicat, qui aetiam imperfectorum vitam commitari solent, quamuis non propterea amare eos desinat; vt enim ait Dauid: *b Oculi tui viderunt imperfectum meum, & in libro tuo omnes scribentur.*

*Sollicitudinis* huius anxie turbatæque radix triplex esse solet. *Prima* est ipsa naturæ nostræ insita hebetudo. nam (D. Gregorio teste) quidam naturâ suâ inquieti sunt, ac turbati, omninoque ad quietem contemplationis inepti; qui quò magis sese conantur colligere, eò maiorem imaginum & cogitationum turbam patiuntur. Alij contrâ naturâ suâ quieti sunt, & pacati, & ita ad collectionem faciles, vt ad omnia externa videantur inepti. Sed vt amor DEI hos interdum à sua extrahit collectione; ita timor suauiter colligit, & anchoræ instar animam in medijs fluctibus & tempestatibus, quibus iactatur, firmam & stabilem tenet: Est enim gratiæ factu facillimum, quod naturæ impossibile esse videtur. Ideò qui desideria sentit in se orationis & contemplationis, ne desperet; sed cor suum figat ligetque cum DEO, duplici hac timoris & spei anchora, timeat, inquam, damna, quæ faciet, in se dedat Orationi; confidat verò de omnipotentia DEI, quòd tandem voti compos euadet.

II.

*Secunda* radix est, pauca experientia, aut zelus nimius sine scientia & discretionem, ex

quo

ex quo, ob falsam quandam necessitatis vel pietatis apprehensionem, procedit; ut multa complecti velit, seseque varijs occupationum oneribus supra vires implicare: cum quo coniuncta plerumque sit interior anxietas atque turbatio necesse est, ut omnibus illis satisfaciatur. Et hoc nomine Christus Marcham notavit, quæ, necessitatis ipsi seruiendi & cibum præparandi prætextu multa conquirebat, sese anxietate & turbatione magna in illa effundens. Huius erroris remedium consistit in emendandis iudicij erroribus, & occupationibus ita moderandis, ut ne spiritum suffocent, aut convenientem ad orandum quietem impediunt, reuocando in mentem illud Sapientis: *c Sapientia Scriba in tempore vacuit atis: & qui minoratur actu, sapientiam percipiet*: quod est dicere: Ne manus ad res multas extendas, sed otij tempore & opportunitate sapientiam apprehende: qui enim occupationes minuit externas, illam recipiet.

*c Eccl. 38.  
25.*

## III.

*Tertia* radix est, quidam proprietatis modus, amori proprio affinis, qui etiam bono admisceri solet, bonisque rebus foueri; quæ licet fortè sint pauca, eas tamen qui nimium amat, sibi turbationem adsciscit, quod triplici hominum generi facile accidit. Iis in primis qui ad inordinatos affectus & impetus naturæ propensi sunt, licet bonæ aliàs intentionis sint; vanæ item gloriæ appetentibus, qui semper student, quæ semel arripiunt, ad exitum

perducere, à vana gloria veluti ex insidijs capti; Indiscretis denique ac ignavis, qui, quæ licere videntur, etiam expedire putant. quorum, ob nimium affectum, mancipia fiunt. Hos Apostolus verbis illis notauit. *d Omnia mihi licent, sed non omnia expediunt; omnia mihi licent; sed ego sub nullius redigar potestate.* Nullius, inquit, fieri mancipium volo, nec quicquam passione, instar serui, ductus agere; sed ratione & puro DEI amore, tanquam liber. Ex his radicibus provenire potest, ut vita *Actiua* impediatur *Contemplatiua*; sed si illæ mortificentur, commodè conuiuet vtraque soror; neutram alteram in præcipuis functionibus suis, designatis temporibus præstandis, impediente.

d. 1. Cor. 6.  
10.

§ Tho. 2. 2.  
q. 102. a. 3.

DE VNO ILLO NECES-  
sario, quod & dispositio & finis  
est vitæ Contemplatiuæ.

§. 5.



ROSE QVENS Christus Dominus Martham instruere, dixit: *Porro vnum est necessarium:* qua sententia fundamentum iecit excusationis & laudationis Mariæ, & in ea ipsius vitæ *Contempla-*

*tiu*